

卷之九

雜著

此篇中論及國家之興衰與人民之貧富。作者指出國家之興衰在於政治之清明與否。若政治清明則國家興隆；若政治腐敗則國家衰亡。人民之貧富則在於社會之公平與否。若社會公平則人民富裕；若社會不公則人民貧困。作者呼籲統治者應勤政愛民，施行仁政，以達到國家之興隆與人民之富裕。

序

六合以外聖人有所不知不知之則不敢言之也東坡官登州五日而將去以不見海市為恨禱於神而得見乃作詩歌以紀之故凡風土人情之變山川草木之奇屬在海隅非中土可例不身親其地而歷有年所其能了然於心曾筆之於簡冊乎吾友朱君研北為臺灣司馬三年秩滿來京出海東札記一編見示夫臺之隸我版圖久矣官斯土者孰不真知而能言之顧待君援筆以記乎蓋四海內外其麗於天與麗於地者有同有不同人生於其間性情嗜好

因之各別每覽夫方輿所載千態萬狀忽覺胸中
奇奧之氣勃然而生未嘗不嘆宇內之風景皆乾坤
清氣醞釀而成即天地之大文也欲得難狀之景而
錄之成文非才學識之兼全豈能文天地之大文哉
君為吾楚名元自為諸生時吾即欽其學之博才之
長年來宦遊四方又益增其識故所著畚經堂詩集
早為騷壇所推重而其作是編也統之以八門釐之
為四卷萬類洪纖覲縷備載體物之工不啻偃師化
人之戲至於御民有道立政有方則經濟之老成尤
足為後之守土法寧第斯文之必待君而成哉君與

吾少圃兄為同年友君甫自臺歸吾兄即往宰鳳邑
君其寄一編與吾兄讀之亦可奉為前事之師云乾
隆癸巳仲冬月下浣八日年姻愚弟劉亨地撰

序

臺灣孤懸海裔入版圖置郡縣自我

朝康熙始閱今百餘年六穀時熟犵娃如家人官茹
土者怡怡于于涉洪濤如履平地蓋太和翔洽非一
朝夕效也若其土俗民風載郡邑志者亦屢經修輯
而覽者猶有弗全弗備之憾何耶程之以在官廩之
以常俸迫之且歲月不能事事考而物物辨也武陵
朱研北司馬深思爲古蹟於平時乃以佐守是邦行
部所經得過其境至輒延覽形勝諏詢名物暇日記
所見聞釐爲四卷名之曰海東札記歲癸巳秋滿來

京師手以示余予受而奉業因嘆曰晉人謂一莖草
化萬丈金身不信然歟夫臺灣最兩地而外障生番
內屏中國屹然爲東南重鎮豈所謂地險者非邪觀
研北是綿島夷之延亘風濤之險夷不待按圖瞭然
在目前其地田畝軍營下及鳥獸卉木鉅細悉具其
立言簡而峭其敘事約而盡其體物核而精即起鄺
生柳子爲之奚以易此至其習俗之聚難多易利弊
之所當因革尤拳拳致意寓以箴規重以激勸且不
深望於來者仁人用心無往不厚如是研北治績循
綏讀是編者其亦可想見矣毋徒作嶺外代荅諸書

觀也可乾隆癸巳長至後治學弟鄭際唐撰

海東札記目次

余貳守海東逾三歲南北路通焉凡所聽睹拾紙
襍然記之日積以多遂析為八類鈔存四卷隨筆
件繫藉備遺忘要無當於郡邑志體故挂漏不免
覽者諒之乾隆壬辰歲冬十月朔日武陵朱景英
幼芝自識

卷一

記方隅

記巖壑

卷二

記洋灣

記政紀

卷三

記氣習

記土物

卷四

記叢璫

記社屬

男和壁

和塚

姪孫怡錕校字

海東札記目次

海東札記目次

海東札記卷一

記方隅

以海中荒島而置郡邑實邇所未有其以臺灣名者
襲乎舊第未知昉自何時或曰地在東隅形似彎弓
或曰山橫海嶠望之若臺民居屋市又在沙曲水涯
之處地之得名以此明末莆田周嬰東番記又稱臺
負未知何懷大抵閩音灣負相近故涉筆者亦因之
混耳愚謂島與嶼在窮海鱗介與伍書契茫昧艱
鬱咿嘍安得有所地形字義可以彷彿意明嘉萬間海
寇奸民迭來竄踞時因墟立市即境呼名差為近是

否則音之不通義於何取臆度者毋乃詞費耶

文獻通考流求國居海島在泉州之東有岳田澎湖

水行五日而至隋大業中曾令羽騎尉朱寬入其國

取布甲而歸時倭國使來朝見之以為夷耶久國

人所用旁有毗舍耶國語言不通袒裸盱眙殆非人

類宋淳熙間其酋豪嘗率數百輩猝至泉州水灣

圍頭等村多所掠奪鐵器掠取明環及剗甲取鐵

器用鏢鏢以繩十餘丈為操縱蓋愛其鐵不忍棄

者其情狀相似呂臺灣即毘舍耶國其足信歟

又有錄名山藏乾坤東港華嚴婆娑洋世界名為

雞籠之說指為今臺灣恐亦影響譚耳至海防攷
有隋開皇中遣常賁陳稜略澎湖三十六島郡志
据之語尤可疑攷隋書陳稜流求之役在大業中
而本傳亦無畧澎湖三十六島之詞獨不解當日談
海防者何所据而云云也惟顧宛溪謂北港在澎湖
東南亦謂之臺灣或不誣歟

元末設澎湖巡司明洪武初徙其居民置漳泉間廢
巡司嘉靖中林道乾寇海邊俞都督大猷討之追
至澎湖道乾遁入臺灣大猷留偏師駐澎湖道乾旋遁
之占城澎湖之偏師亦罷設巡檢守之尋裁萬厯間內

地人顏思齋為日本甲螺甲螺者彼國中頭目也引倭屯於臺灣鄭芝龍附之未幾棄去荷蘭誘土番取其地築城以居又築樓相望今安平鎮城及郡中紅毛樓是也甃如塗丹故均謂之赤嵌云

本朝順治初芝龍子成功自江南敗歸鷺門荷蘭甲螺何斌導成功取臺灣遂逐荷蘭據之僭置承天府名東都設天興萬年二縣又即一鯤身立安平鎮成功死子經改東都為東寧二縣為二州又設南北路澎湖安撫司各一經死子克塽嗣康熙壬戌歲姚總督啓聖謀取臺灣明年六月施提督琅統舟師攻遠

湖破之克塽降歲甲子廷議設臺灣府領臺灣鳳
山諸羅三縣雍正元年增彰化縣又設淡水廳五年
設澎湖廳此臺灣有郡所繇來也

由廈門出大嶝門或由遠羅放洋歷七更水程至澎
湖又自澎湖五更水程至臺灣通水程十有二更更
六十里計海船汎洋直為里七百二十八廉耳門易小
舟棹內港二十里經安平鎮又十里抵郡西郭上岨
蓋臺厦東西遙對其水程約畧如此

臺灣府東抵羅漢門六十五里是為中路西抵澎
湖三百八十里南抵沙馬機頭四百六十里是為南路

北抵雞籠六百三十四里是為北路東西廣四百四十五里南北袤一千九十四里臺灣縣倚邵東至羅漢門六十五里西至鹿耳門三十里南至二贊行溪鳳山縣界二十里北至新港諸羅縣界二十里廣九十五里袤四十里鳳山縣東至傀儡山五十里西至打鼓港十里南至沙馬磯頭三百七十里北至二贊行溪臺灣縣界七十里廣六十里袤四百四十里距郡九十里諸羅縣東至大龜佛山二十里西至海三十里南至新港臺灣縣界八十里北至甯尾溪彰化縣界五十里廣五十里袤一百三十里距郡一百里